



Broj: 05/1-50-13-29-24/12
Sarajevo, 25.1.2012. godine

ZAPISNIK

24. sjednice Nezavisnog odbora Parlamentarne skupštine BiH

Sjednica je održana 25.1.2012., s početkom u 13 sati.

Sjednici su prisustvovali: Žiko Krunić, predsjednik Nezavisnog odbora, Dragan Savić, Zijad Kadić, Stanko Nuić, Ljubomir Kuravica i Viktor Dadić, članovi Nezavisnog odbora.

Opravdano su odsustvovali: prvi i drugi zamjenik predsjednika Nezavisnog odbora Bakir Dautbašić i Mato Jozić i član Nezavisnog odbora Enes Obralijski.

Osim članova, sjednici je prisustvovala Alma Salkić-Mijić, koja je obavljala poslove sekretara Nezavisnog odbora.

Sjednicu su pratili: Dijana Šatara i Senad Zlatar iz OHR-a i Medina Delalić iz Sektora za odnose s javnošću Sekretarijata Parlamentarne skupštine BiH.

Sjednicu je sazvao Žiko Krunić, predsjednik Nezavisnog odbora. Konstatirao je da nema kvoruma, ali da je član Nezavisnog odbora Enes Obralijski dao svoju saglasnost i na dnevni red i na predložene akte za sve tačke dnevnog reda. Uz ovu konstataciju, predsjednik Nezavisnog odbora predložio je da Nezavisni odbor održi sjednicu i izjasni se o predloženim aktima, računajući glas Enesa Obralijskog u kvorum za rad i odlučivanje. Ovaj prijedlog jednoglasno je prihvaćen.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 22. sjednice, održane 8.12.2011., i Zapisnika 23. sjednice, održane 21.12.2011.;
2. Razmatranje Izvještaja o radu Nezavisnog odbora za 2011. godinu;
3. Razmatranje Plana rada Nezavisnog odbora za 2012. godinu;
4. Tekuća pitanja.

Ad.1. Usvajanje Zapisnika 22. sjednice, održane 8.12.2011., i Zapisnika 23. sjednice, održane 21.12.2011.

Predsjednik Nezavisnog odbora Žiko Krunić otvorio je raspravu o ovoj tački dnevnog reda. Nije bilo rasprave.

Zapisnici 22. sjednice, održane 8.12.2011., i 23. sjednice, održane 21.12.2011., usvojeni su jednoglasno, bez primjedbi.

Ad. 2. Razmatranje Izvještaja o radu Nezavisnog odbora za 2011. godinu

Predsjednik Nezavisnog odbora podsjetio je članove da je, u skladu sa Zakonom o nezavisnim i nadzornim tijelima policijske strukture BiH, dužnost predsjednika da podnese godišnji izvještaj o radu Parlamentarnoj skupštini BiH, nakon što ga usvoji Nezavisni odbor. Konstatirao je da je prijedlog Izvještaja o radu Nezavisnog odbora za 2011. godinu dostavljen uz poziv za sjednicu.

Otvorio je raspravu o predloženom Izvještaju o radu Nezavisnog odbora za 2011. godinu.

S obzirom da nije bilo primjedbi, Izvještaj o radu Nezavisnog odbora Parlamentarne skupštine BiH za 2011. godinu usvojen je jednoglasno.

Ad.3. Razmatranje Plana rada Nezavisnog odbora za 2012. godinu

Predsjednik Nezavisnog odbora u uvodu je istaknuo da je, prema Zakonu o nezavisnim i nadzornim tijelima policijske strukture BiH, obavezan dostaviti Nacrt plana rada Nezavisnog odbora i, nakon što ga Nezavisni odbor odobri, proslijediti ga Parlamentarnoj skupštini BiH na usvajanje.

Otvorio je raspravu o dostavljenom Nacrtu plana rada Nezavisnog odbora za 2012. godinu.

Član Odbora Ljubomir Kuravica istaknuo je primjedbe na Plan rada za 2012. godinu. Predložio je da se iza tačke 8. doda nova tačka 9. "Upućivanje zahtjeva Državnoj agenciji za istrage i zaštitu, Graničnoj policiji BiH i Direkciji za koordinaciju policijskih tijela BiH za dostavljanje polugodišnjih, a po potrebi i kvartalnih izvještaja o radu Nezavisnom odboru na razmatranje."

Ovaj prijedlog jednoglasno je prihvaćen.

Sa usvojenim primjedbama, Plan rada Nezavisnog odbora Parlamentarne skupštine BiH za 2012. godinu usvojen je jednoglasno.

Ad.4. Tekuća pitanja

Nije bilo rasprave u okviru ove tačke dnevnog reda.

Sjednica je završena u 14 sati.

Privremeni sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić